

ib.
13
SANCTISS. DOMINI NOSTRI
D. CLEMENTIS

Diuina Prouidentia Papæ XI.
CONFIRMATIO ET INNOVATIO
Constitutionum Innocentij Papæ X.
& Alexandri Papæ VII.

*Aduersus Iansenianam hæresim editarum
cum nonnullis declarationibus pro debita
illarum obseruantia adiectis.*



ROMÆ, MDCCV.

Ex Typographia Reu. Camera Apostolicæ.

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

BOOKS BY MAIL

1. *THE HISTORY OF THE UNITED STATES*
2. *THE HISTORY OF THE UNITED STATES*

C L E M E N S

E P I S C O P V S

S E R V V S S E R V O R V M D E I

*Vniuersis Christifidelibus salutem, & Apostolicam
Benedictionem.*



IN E A M Domini Sabaoth, quæ est Catholica Ecclesia; pro commisso Nobis diuinitus Apostolicæ seruitutis munere custodire, atque excolere omni studio, atque industria iugiter satagentes, ea, quæ à Romanis Pontificibus Prædecessoribus Nostis ad succrescentes in illa perniciosarum nouitatum vepres radicibus euellendos prudenti, salubrique consilio constituta esse noscuntur, ut quibuscunque Inimici Homini molitionibus deiectis, firmius semper, atque exactius obseruentur, Apostolici muniminis nostri præsidio libenter roboramus, atque aliàs deinceps solitudinis, & prouidentie nostræ partes interponimus, sicut omnibus maturæ considerationis trutinâ perpen-

ad fidelem, ac tutam orthodoxæ veritatis custodiam, necnon Animarum pretioso Vnigeniti Dei Filij Domini Nostri IESV Christi Sanguine redemptarum salutem expedire in Domino arbitramur. Sanè postquam fel. rec. Innocentius Papa X. Prædecessor Noster per quamdam suam desuper editam Constitutionem quinque famosas Propositiones ex libro Cornelij Iansenij Episcopi Iprensis, cui titulus *Augustinus* excerptas Apostolici censurâ iudicij ritè confixerat, rec. mem. Alexander Papa VII. etiam Prædecessor noster ad eiusmodi iam damnatos errores è Christifidelium mentibus prorsus abolendos, publicæque tranquillitatis perturbatorum subtili teçtas calliditate machinationes penitus euertendas, prædictam Innocentij Prædecessoris Constitutionem, toto illius inserto tenore, confirmauit, nouarumque declarationum accessione constabiliuit, sua in id paritèr editâ Constitutione tenoris, qui sequitur, videlicet:

*A*L E X A N D E R Episcopus Seruus Seruorum Dei Vniuersis Christifidelibus salutem, & Apostolicam Benedictionem. Ad Sanctam Beati Petri Sedem, & Vniuersalis Ecclesiæ regimen, inscrutabili Diuinæ prouidentie dispositione, nullis nostris suffragantibus meritis euecti, nihil Nobis antiquius ex muneris nostri debito esse duximus, quàm, ut sancta Fidei nostra, ac Sacrorum Dogmatum integritati tradita Nobis à Deo potestate opportunè consuleremus. Ac licet ea, quæ Apostolicis Constitutionibus abundè fuerunt definita, nouæ decisionis, suæ declarationis accessione nequaquam indigeant; quia tamen aliqui publicæ tranquillitatis perturbatores illa in dubium reuocare, vel subdolis interpretationibus labefactare non verentur; ne morbus iste latius diuagetur, promptum Apostolica auctoritatis remedium censuimus non esse differendum. Emanant siquidem aliàs à felicis recordationis Innocentio Papa X. Prædecessore nostro Constitutio, Declaratio, & Definitio tenoris, qui sequitur, videlicet. **I**N N O C E N T I V S Episcopus Seruus Seruorum Dei Vniuersis Christifidelibus salutem, & Apostolicam Benedictionem. Cum occasione impressionis libri, cui titulus *Augustinus Cornelij Iansenij Episcopi Iprensis*, inter alias eius opinio-

nctis, orta fuerit, praesertim in Gallijs, controversia super quinque ex illis, complures Gallicanum Episcopi apud Nos insteterunt, ut easdem Propositiones Nobis oblatas expendere-
mus, ac de unaquaque earum certam, & perspicuam sententiam. Tenor verò
praefatarum propositionum est prout sequitur. Prima. Aliqua Dei praecepta hominibus
iustis volentibus, & conantibus, secundum praesentes, quas habent vires, sunt impossibilia,
deest quoque illis Gratia, quae possibilia fiant. Secunda. Interiori Gratiae in statu naturae
lapsae nunquam resistitur. Tertia. Ad merendum, & demerendum in statu naturae lapsae
non requiritur in homine libertas à necessitate, sed sufficit libertas à coactione. Quarta.
Semipelagianum admittit praeniciens Gratia interioris necessitatem ad singulos actus,
etiam ad initium Fidei, & in hoc erant haeretici, quod vellent, eam Gratiā talem esse,
cui posset humana voluntas resistere, vel obtemperare. Quinta. Semipelagianum est di-
cere, Christum pro omnibus omnino hominibus mortuum esse, aut sanguinem fudisse. Nos
quibus inter multiplices curas, quae animum nostrum assidue pulsant, illa in primis cordi
est, ut Ecclesia Dei Nobis ex alto commissa, purgatis pravaram opinionum erroribus, tutā
militare, & tanquam navis in tranquillo mari, sedatis omnium tempestatum fluctibus, ac
procellis, securi navigare, & ad optatum salutis portum peruenire possit; pro rei gra-
uitate coram aliquibus S. R. E. Cardinalibus, ad id specialiter sapius congregatis, ac plu-
ribus in Sacra Theologia Magistris, easdem quinque Propositiones, ut supra, Nobis obla-
tas fecimus sigillatim diligenter examinari, eorumque suffragia, tum voce, tum scripto
relata mature consideravimus, eosdemque Magistros, varis coram Nobis actis Congrega-
tionibus, proluxi super eisdem, ac super earum qualibet differentes, audivimus. Cum au-
tem ab initio huiusmodi discussionis, ad Divinum implorandum auxilium multorum Chri-
stifidelium preces, tum privatim, tum publice indixissemus; postmodum iteratis eisdem
feruentius, ac per Nos sollicitè impetrata Sancti Spiritus assistentia, tandem Divino Nu-
mine fauente ad infrascriptam decernimus declarationem, & definitionem. Primam praedi-
ctarum propositionum: Aliqua Dei praecepta hominibus iustis volentibus, & conanti-
bus, secundum praesentes, quas habent vires, sunt impossibilia, deest quoque illis Gratia,
quae possibilia fiant: Temerariam, impiam, blasphemam, anathemate damnatam, & haereticam
declaramus, & vti talem damnamus. Secundam: Interiori Gratiae in statu natu-
rae lapsae nunquam resistitur: Haeticam declaramus, & vti talem damnamus. Terti-
am: Ad merendum, & demerendum in statu naturae lapsae non requiritur in homine li-
bertas à necessitate, sed sufficit libertas à coactione: Haeticam declaramus, & vti talem
damnamus. Quartam: Semipelagianum admittit praeniciens Gratia interioris neces-
sitatem ad singulos actus, etiam ad initium Fidei, & in hoc erant haeretici, quod vellent,
eam gratiam talem esse, cui posset humana voluntas resistere, vel obtemperare: Falsam,
& haeticam declaramus, & vti talem damnamus. Quintam: Semipelagianum est dice-
re, Christum pro omnibus omnino hominibus mortuum esse, aut sanguinem fudisse: Falsam,
temerariam, scandalosam; & intellectam eo sensu, ut Christus pro salute dumtaxat praedi-
stinatorum mortuus sit: Impiam, blasphemam, contumeliosam, Divina pietati dero-
gantem, & haeticam declaramus, & vti talem damnamus. Mandamus igitur omnibus
Christifidelibus utriusque sexus, ne de dictis propositionibus sentire, docere, predicare ali-
ter praesumant, quam in hac praesenti nostra declaratione, & definitione continentur, sub
censuris, & penis praedictas, & eorum fautores in iure expressis. Praecipimus
pariter omnibus Patriarchis, Archiepiscopis, Episcopis, aliisque locorum Ordinariis,
necnon haetica pravitatis Inquisitoribus, ut contraditores, & rebelles quoscumque per
censuras, & penas praedictas, ceteraque iuris, & facti remedia opportuna, inuocato
etiam ad hoc, si opus fuerit, auxilio brachij secularis, omnino coerceant, & compellant.
Non intendentes tamen per hanc declarationem, & definitionem super praedictis quin-
que propositionibus factam, approbare ullatenus alias opiniones, quae continentur in
praedicto libro Cornelij Iansenij. Datum Romae apud Sanctam Mariam Maiorem, Anno
Incarnationis Dominicae Millesimo sexcentesimo quinquagesimo tertio, pridie Kal. Iunii,
Pontificatus Nostri Anno nono. Cum autem, sicut accepimus, nonnulli iniquitatis
Filij praedictas quinque Propositiones, vel in libro praedicto eiusdem Cornelij Iansenij
non reperiri, sed fidei, & pro arbitrio compositas esse, vel non in sensu ab eodem in-
tento damnatas fuisse, asserere, magno cum Christifidelium scandalo, non reformidant.

5

Nos, qui omnia, quæ hac in re gesta sunt, sufficienter, & attentè perperimus, vispote qui eiusdem Innocentij Prædecessoris iussu, dum adhuc in minoribus constituti, Cardinalis munere fungeremur, omnibus illis Congressibus interjuximus, in quibus Apostolica auctoritate, eadem causa discussa est, ea projecto diligentia, quæ maior desuaderi non posset, quamcumque dubitationem super præmissis in posterum auferre volentes, ut omnes Christiani fideles in eiusdem Fidei unitate sese contineant, ex debito nostri Pastoralis officij, ac matura deliberatione, præfatis Innocentij Prædecessoris nostri Constitutionem, Declarationem, & Definitionem, harum serie confirmamus, approbamus, & innouamus, & quinque illas Propositiones ex libro præammati Cornelij Ianseij Episcopi Iprensis, cui titulus est Augustinus excerptas, ac in sensu ab eodem Cornelio Ianseio intento damnatas fuisse declaramus, & definimus, ac uti tales, inusta scilicet eadem singulis notæ, quæ in prædicta declaratione, & definitione unicuique illarum sigillatim inuritur, iterum damnamus, ac eundem librum prædicti Cornelij Ianseij, cui titulus Augustinus, omnesque alios, tam manuscriptos, quam typis editos, & si quos forsan in posterum edi contigerit, in quibus prædicta eiusdem Cornelij Ianseij Doctrina, ut supra, damnata defenditur, vel asseritur, aut defendetur, vel asseritur, damnamus itidem, atque prohibemus. Mandantes omnibus Christianis fidelibus, ne prædictam Doctrinam teneant, prædicent, doceant, verbo, vel scripto exponant, vel interpretentur, publicè, vel privatim, palam, vel occultè imprimant, sub penis, & censuris contra Hæreticos in iure expressis ipso facto absque alia declaratione incurrendis. Præcipimus igitur omnibus Venerabilibus Fratribus nostris Patriarchis, Primatibus, Metropolitans, Archiepiscopis, Episcopis, Ecclesiasticis, ad quos pertinet, ut præfatis Innocentij Prædecessoris Constitutionem, Declarationem, ac Definitionem, iuxta præsentem nostram determinationem, ab omnibus observari faciant, ac inobedientes, & rebelles prædictis penis, aliisque iuris, & facti reueidjs, innocato etiam, si opus fuerit, prædicti secularis auxilio, omnino coerceant. Datum Romæ apud Sanctam Mariam Maiorem, Anno Incarnationis Dominicæ Millesimo sexcentesimo quinquagesimo sexto, Decimo septimo Kalend. Nouembris, Pontificatus Nostri Anno Secundo.

Subinde verò, quò onus Apostolicarum definitionum eludendarum aditus intercluderetur, memoratus Alexander Prædecessor, priscum Ecclesiæ morem sequutus, certam edidit Formulam ab omnibus Ecclesiastici Ordinis, tam secularibus, quam Regularibus personis subscribendam per aliam suam hac in re promulgatam Constitutionem tenoris sequentis, videlicet:

ALEXANDER Episcopus Seruus Seruorum Dei Ad perpetuam rei memoriam. Regimini Apostolici diuina providentia Nobis, quamvis immeritis, commissi ratio postulat, ut ad ea potissimum, quæ Catholica Religionis integritati, & propagationi, animarumque salutis, & Fidelium tranquillitati consulere apta, & idonea esse indicantur, animum, & curam omnem, quantum licet in Domino, applicemus. Quamobrem Cornelij Ianseij hæresim, in Gallijs præsertim, serpentem, ab Innocentio X. scilicet record. Prædecessore vestro serè oppressam, ad instar colubri tortuosi, cuius caput attritum est, in varios gyros, & caulationum deflexus euntem singulari Constitutione ad hunc finem edita altero assumptionis nostra anno extinguere conati fuimus. Sed ut multiplices Hostis hominum generis artes adhibet, nondum plene consequi potuimus, ut omnes errantes in viam salutis redirent, qui tamen Unicus erat volorum, & curarum nostrarum scopus, quibus operam, & industriam suam egregio sancti studio Venerabiles Fratres nostri Archiepiscopi, & Episcopi Regni Galliæ, earundem Constitutionum Apostolicarum exequutioni præcipue intenti contulerunt, & Charissimus in Christo Filius noster Rex Christianissimus singulari pietate auxiliarem dexteram strenuo, ac constantissimo animo porrexit. Cum autem præfatus Rex Christianissimus eodem Religiosis zelo ductus per suum in Vrbe Oratorem Nobis significari, exponere curauerit, nullum aliud opportunius remedium pestifera huius contagionis reliquijs extirpandis adhiberi posse, quam si omnes certam Formulam subscriberent nostra auctoritate firmatam, in qua quinque Propositiones ex Cornelij Ianseij libro, cui titulus Angu-

Augustinus excerptas sincerè damnarent, ac proinde illam à Nobis quantocius expediri, ad quælibet effugia præcludenda, omnesque remouendos obtentus, flagitauerit: Nos tam pijs dñi Regis Christianissimi votis benignè annuendum esse ducentes, Formulam inscriptam ab omnibus Ecclesiasticis, etiam Venerabilibus Fratribus nostris Archiepiscopis, & Episcopis, necnon alijs quibuscunque Ecclesiastici Ordinis, tam Regularibus, quam Secularibus, etiam Monialibus, Doctoribus, & Licentiatibus, aliisque Collegiorum Rectoribus, atque Magistris subscribi districte mandamus; idque intra tres menses à die publicationis, seu notificationis præsentium; alijs contra eos, qui intra terminum prædictum non paruerint, irremissibiliter procedi volumus iuxta Canonicas Constitutiones, & Conciliorum Decreta. Formula à supradictis subscribenda. Ego N. Constitutioni Apostolicæ Innocentij X. data die 31. Maij 1653. & Constitutioni Alexandri VII. data die 16. Octobris 1656. Summorum Pontificum me subijcio, & quinque Propositiones ex Cornelij Ianfenij libro, cui nomen Augustinus excerptas, & in sensu ab eodem Authore intento, prout illas per dictas Constitutiones Sedes Apostolica damnauit, sincero animo reijcio, ac damno, & ita itro: Sic me Deus adiuuet, & hæc sancta Dei Euangelia. Decorantes insuper præsentem literas semper, & perpetuò validas, & efficaces existere, & fore, suosque plenos, & integros effectus sortiri, & obtinere. Sique per quoscunque Iudices Ordinarios, & Delegatos ubique iudicari, & definiri debere, sublata ois, & eorum cuiuslibet quauis aliger indicandi, & interpretandi facultate, & autoritate; ac irritum, & inane, si secus super his à quocunque quauis autoritate scierint, vel ignoranter contigerit attentari. Quocirca Venerabilibus Fratribus Archiepiscopis, & Episcopis, aliisque locorum Ordinarijs committimus, & mandamus, ut singuli in suis Diocesium, ac locis suæ iurisdictioni subiectis præsentem literas, & in eis contenta quacunque exequantur, & executioni mandari, ac obseruari ab omnibus curent, & inobedientes quoscunque per sententias, censuras, & penas, aliaque iuris, & facti remedia, appellatione postposita, innocato etiam ad hoc, si opus fuerit, brachij secularis auxilio, omnino compellant. Volumus autem, ut præsentium transumptis, etiam impreffis, manu Notarij publici subscriptis, & sigillo alicuius persone in Dignitate Ecclesiastica constitutæ munitis eadem fides prorsus adhibeatur, quæ ipsis originalibus literis adhiberetur, si forent exhibita, vel ostensa. Nulli ergo omnino hominum liceat hanc nostram Constitutionem, & Ordinationem infringere, vel ei ausu temerario contraire. Si quis autem hoc attentare presumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursurum. Datum Rome apud S. Mariam Maiorem, Anno Incarnationis Dominicæ Millesimo sexcentesimo sexagesimo quarto, Quintodecimo Kalendas Martij, Pontificatus Nostri Anno Decimo.

Sic equidem Causa finita est; non tamen sic, ut par erat, finitus est error Apostolico roties mucrone percussus: Neque enim defuere, nec adhuc defunt, homines veritati non acquiescentes, & nunquam Ecclesiæ contradicendi finem facientes, qui varijs distinctionibus, seu potius effugijs ad circumventionem erroris excogitatis, Ecclesiam ipsam turbare, eanique interminatis quæstionibus, quantum in ipsis est, inuoluere, & implicare conantur; quodque deterius est, ipsam Apostolicæ Sedis decreta redarguendis eorum prauis sensibus condita, ac præsertim quasdam pie memorie Clementis Papæ IX. die 19. Ianuarij 1669. ad quatuor Gallij Episcopos, necnon binas similis memorie Innocentij Papæ XII. etiam Prædecessorum nostrorum die 6. Februarij 1694. & die 24. Nouembris 1696. ad Episcopos Belgij in forma Breuis respectiue datas literas, in erroris sui patrocinium aduocare, temerario planè ausu, non erubescunt: Perinde ac si memoratus Clemens Prædecessor, qui eidem suis literis, se Innocentij X. & Alexandri VII. Prædecessorum Constitutionibus supradictis firmissimè inhærere, ac à dictis quatuor Episcopis veram, & totalem obedientiam, adeoque Formulæ à præfato Alexandro Prædecessore, sicut præmittitur, editæ sincerè per eos subscribi voluisse declarauit, aliquam in tam graui negotio exceptionem, seu restrictionem, quam nullam prorsus se vnquam admissurum fuisse protestatus fuit, re ipsa admisisset; dictus verò Innocentius XII. Prædecessor, dum sapienter, ac prouidè prædictas quinque propositiones ex memorato li-

bro Iansenij excerptas in sensu obuiio, quem ipsamet propositionum verba exhibent, ac praeferunt, damnatas esse pronunciauit, non de ipsomet obuiio sensu, quem in Iansenij libro habent, quique ab eodem Iansenio intentus, ac à praefatis Innocentio X. & Alexandro VII. Praedecessoribus damnatus fuit, sed de alio quopiam diuerso sensu cogitasset; dictasque Innocentij X. & Alexandri VII. Praedecessorum Constitutiones temperare, restringere, aut alio quouis modo immutare voluisset ipsidem ipsis literis, quibus eas in suo robore fuisse, & esse, seque illis firmiter inherere verbis aperitissimis asseribat. Præterea iidem inquieti homines sparsis vndequeque seripcionibus, ac libellis, exquisita ad fallendum arte compositis, non sine graui Apostolicæ Sedis iniuriâ, maximoque totius Ecclesiæ scandalo docere non sunt veriti: Ad obedientiam præfatis Apostolicis Constitutionibus debitam non requiri, vt quis prædicti Ianseniani libri sensum in antedictis quinque propositionibus, sicut præmittitur, damnatum, interius, vt hæreticum, damnet; sed satis esse, si ea de re obsequiosum (vt ipsi vocant) silentium teneatur. Quæ quidem assertio, quam absurda sit, & animabus Fidelium perniciosa, satis apparet, dum fallacis huius doctrinæ pallio non deponitur error, sed absconditur; vulnus regitur, non curatur; Ecclesiæ illuditur, non paretur; et lata demùm filijs inobedientiæ via sternitur ad faciendam silentio hæresim; dum ipsam Iansenij doctrinam, quam ab Apostolica Sede damnatam Ecclesia Vniuersalis exhorruit, adhuc interius abijcere, & corde improbare detrectant. Quinetiam eo impudentiæ nonnullos deuenisse compertum est, vt veluti naturalis honestatis, nedum Christianæ sinceritatis obliti, asserere non dubitauerint: Præfatæ Formulæ à memorato Alexandro Praedecessore præscriptæ subscribi licite posse, etiam ab ijs, qui interius non iudicant, prædicto Iansenij libro doctrinam hæreticam contineri. Quasi verò, contra quam scriptum est: Qui loquitur veritatem in corde suo, Et: Qui iurat proximo suo, & non decipit; huiusmodi erroris sectatoribus liceat Ecclesiam ipsam iureiurando decipere, simulque Apostolicæ Sedis provideutiam fallere; dum, eiusdem Formulæ conceptis verbis, loquuntur quod Ecclesia loquitur, quod tamen sentit ipsa non sentiant; seque parere Constitutionibus Apostolicis profitentur, quibus animo contradicunt. Hinc est, quod Nos ad opportuñum, & efficax tam exitiali morbo, qui vt cancer serpit, & quotidie in deterius vergit, remedium adhibendum, non minùs demaudatæ Nobis omnium Ecclesiarum sollicitudinis debito, quam plurimorum Venerabilium Fratrum nostrorum diuersarum partium, ac præsertim Regni Galliarum, Episcoporum zelo, ac precibus excitati; ne huiusmodi prauis homines Catholicæ Ecclesiæ pacem subuercere impune pergant, & simplicium, ac pusillorum mentibus imponere, docentes quæ non oportet; neue vllus, apud eos quoque, qui bona, vt aiunt, fide, ac falsis rumoribus decipi se fortasse patiuntur, de mente, ac sententiâ Apostolicæ Sedis amplius ambigendi supersit locus; Diuino priùs, tam priuatis nostris, quam publicè indictis precibus, implorato præsidio, ac re maturè discussâ, de nonnullorum Venerabilium Fratrum nostrorum S. R. E. Cardinalium consilio, auditisque complurium in Sacra Theologia Magistrorum suffragijs; Primò quidem præiussit Innocentij X. & Alexandri VII. Praedecessorum Constitutiones, omniaque, & singula in eis contenta auctoritate Apostolicâ, tenore præsentium, confirmamus, approbamus, & innouamus. Ac insuper, vt quæuis in posterum erroris occasio penitus præcidatur, atque omnes Catholicæ Ecclesiæ filij Ecclesiam ipsam audire, non tacendo solum (nam & impliciter in tenebris conticescunt) sed, & interius obsequendo, quæ vera est Orthodoxi hominis obedientia, condiscant; hæc nostra perpetuò valiturâ Constitutione: Obedientiæ, quæ præinsertis Apostolicis Constitutionibus debetur, obsequioso illo silentio minime satisfieri; sed damnatum in quinque præfatis Propositionibus Ianseniani libri sensum, quem illarum verba præferunt, vt præsertim, ab omnibus Christianis fidelibus, vt hæreticum, non ore solum, sed & corde rejici, ac damnari debere; nec alia mente, animo, aut credulitate supradictæ Formulæ subscribi licite posse; itaut qui secus, aut contrâ, quoad hæc omnia, & singula, senserint, tenuerint, prædicauerint, verbo, vel scripto docuerint, aut asseruerint, tanquam præfatarum Apostolicarum Constitutionum transgressores, omnibus, & sin-

singulis illarum censuris, & poenis omnino subiaceant, eadem autoritate Apostolica decernimus, declaramus, statuimus, & ordinamus. Decernentes pariter easdem presentes, & præinsertas literas semper, & perpetuo validas, & efficaces existere, & fore, suosque plenarios, & integros effectus sortiri, & obtinere. Sicque per quoscunque Iudices Ordinarios, & Delegatos ubique iudicari, & definiri debere, sublata eis, & eorum cuilibet quauis aliter iudicandi, & interpretandi facultate, & autoritate; ac irritum, & inane, si secus super his à quoquam quauis autoritate scienter, vel ignoranter conigerit attentari. Quocirca Venerabilibus Fratribus Archiepiscopis, & Episcopis, aliisque locorum Ordinariis, necnon hæreticæ prauitatis Inquisitoribus, & Iudicibus Ecclesiasticis, ad quos pertinet, committimus, & mandamus, vt singuli in suis respectiue Diocesibus, ac locis suæ iurisdictioni subiectis, ipsas præfatas literas, & in eis contenta quæcunque exequantur, & executioni mandari, & obseruari ab omnibus curent, & inobedientes, & rebelles quoscunque per censuras, & poenas præfatas, aliaque iuris, & facti remedia, appellatione postposita, inuocato etiam ad hoc, si opus fuerit, brachij secularis auxilio, omnino coerceant, & compellant. Volumus autem, vt earundem præsentium transumptis, etiam impressis, manu alicuius Notarij publici subscriptis, & sigillo personæ in Dignitate Ecclesiastica constitutæ munitis, eadem fides prorsus adhibeatur, quæ ipsis Originalibus literis adhibetur, si forent exhibitæ, vel ostensæ. Nulli ergo omnino hominum liceat hanc paginam Nostræ Confirmationis, Approbationis, Innouationis, Decreti, Declarationis, Statuti, & Ordinationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursurum. Datum Romæ apud S. Mariam Maiorem Anno Incarnationis Dominicæ Millesimo septingentesimo quinto, Decunoseptimo Kalendas Augusti, Pontificatus Nostri Anno Quinto.

I. Card. Prodatarius.

F. Oliuerius.

Visa de Curia C.A. Fabronus.

Loco ❖ Plumbi.

P. Porta

Registrata in Secretaria Breuium.



Anno à Natiuitate Domini Nostri IESV Christi Millesimo septingentesimo quinto, Indictione decimatertia, die verò decimasexta Iulij, Pontificatus autem Sanctissimi in Christo Patris, & Domini Nostri, Domini CLEMENTIS Diuina Providentia Papa XI. Anno Quinto, supradicta Litera Apostolica affixa, & publicata fuerunt ad Valvas Ecclesiæ S. Ioannis Lateranensis, Basilica Principis Apostolorum, Cancellaria Apostolica, Magna Curia Innocentiana Montis Cimatorij, in Actie Campi Floræ, & in alijs locis solitis, & consuetis Vrbs per me Thomam de Unionibus eiusdem Sanctissimi D.N. Papæ Curforem.

Ioannes Græcus Mag. Curf.